

16 MEI 2018

Aksem rampas 150kg daun ketum

DALAM NEGERI 25



SHUHAIIDI SAIDON (kanan) bersama dua pegawainya menunjukkan daun ketum yang dirampas di Rantau Panjang, Kelantan, semalam. -UTUSAN/ GHAZALI BASRI

Aksem rampas 150kg daun ketum

RANTAU PANJANG 15 Mei - Agensi Kawalan Sempadan Malaysia (Aksem) menumpaskan cubaan dua individu menyeludup 150 kilogram daun ketum menggunakan sebuah kereta jenis Honda Civic ke negara jiran di sini, semalam.

Kejadian kira-kira pukul 12.30 tengah hari itu berlaku selepas agensi tersebut mengesan kereta terbabit hasil daripada maklumat risikan di kawasan Batu 11, Tanah Merah dekat sini.

Komander Kawasan Aksem, Shuhaidi Saidon berkata, pihaknya mengejar kereta tersebut sejauh 60 kilometer menghala ke Rantau Panjang sebelum kenderaan itu ditinggalkan di sebuah rumah di Kampung Kubang Pak Hitam, Pasir Mas di sini.

Menurutnya, hasil pemeriksaan yang dilakukan pihaknya

menemukan 15 guni daun ketum dipercayai untuk diseludup ke negara jiran melalui pengkalan haram di sini.

"Suspek telah meninggalkan kenderaan di rumah tersebut dan terus melarikan diri.

"Kesemua daun ketum yang bernilai RM67,500 dirampas dan diserahkan ke bahagian narkotik Ibu pejabat Polis Daerah (IPD) Pasir Mas untuk tindakan lanjut," katanya dalam sidang akhbar di sini hari ini.

Menurut Shuhaidi, pihaknya percaya kenderaan yang digunakan itu berasal dari negara jiran.

"Berdasarkan pemeriksaan yang dilakukan kita mendapati nombor casis dan nombor pendaftaran kenderaan ini berbeza.

"Kes disiasat mengikut Seksyen 30 (3) Akta Racun 1952," katanya.